

**Suliarinninnerit Kalaallit Nunaanni qarasaasiakkut paasisutissanut
akisussaasumit inuinnarmit ingerlanneqartut ilaannik
nalunaaruteqartussaataitaanerup atuutitinneqannginnissaanik
nalunaarut.**

Inunnik paasisutissanik suliarinnittarneq pillugu inatsimmi, inatsit nr. 429, 31. maaji 2000-meersumi, § 49, imm. 2 aamma 3, § 50, imm. 3, aamma § 70, imm. 4 aamma 5 § 65, imm. 4 aamma 5 naapertorlugu, nalunaarut nr. 1238, 14. oktober 2016-imeersukkut Kalaallit Nunaannut atuutilersinneqartukkut, taamaattorli § 70, imm. 4 aamma 5, § 65-sut, imm. 4 aamma 5-sut atuutilersinneqartukkut aalajangersarneqarpoq:

Kapitali 1

Aalajangersakkat nalinginnaasut

§ 1. Inunnik paasisutissanik elektroniskiusumik (qarasaasiakkut suliarinninneq) aamma elektroniskiunngitsumik tamakkiisumik ilaannakortumilluunniit, nalunaarsuiffimmut ilanngunneqareersunik ilanngunneqartussanilluunniit (allattugaatinik), suliarinnittarnermut nalunaarut una atuuppoq.

Imm. 2. Nalunaarut aammattaaq atuuppoq aaqqissuussamik elektroniskiunngitsumik suliarinninnermi, inunnt namminernut paasisutissanik, imaluunniit aningaasaqarnermut tunngasunik imaluunniit paasisutissanik inunnt namminernut tunngasunik allanik tamanut saqqummiussisoqannginnissamik naleqquttumik piumasaqaateqarfiusinnaasunik ilaqartunik.

§ 2. Inunnik paasisutissanik suliarinnittarnermi inatsimmi § 48-mi nalunaaruteqartussaataitaanermut ilanngunneqanngillat:

- 1) Suliarinninnerit inatsimmi § 49, imm. 1-mi taaneqartut, inatsimmi § 50, imm. 2-mi taaneqartut ilanngunnagit.
- 2) Inunnt paasisutissanik suliarinninnerit allat, qarasaasiatigut nalunaarsuiffiit imaluunniit allattugaatit inatsimmi § 50, imm. 1-mi ilanngunneqartut pineqanngippata.
- 3) § 1, imm. 2-mi taaneqartut elektroniskiunngitsumik aaqqissuussamik suliarinninnerit, suliarinninnerit inatsimmi § 50, imm. 1-mi taaneqartut pineqanngippata.

Imm. 2. Suliarinninnerit inatsimmi § 49, imm.1, nr. 3-mi taaneqartut – nalunaaruteqaqqaarani – aammattaaq inunnt sulisorineqanngitsunut paasisutissanut ilaatinneqarsinnaapput, isumaqatigiissutit ataatsimoorussat imaluunniit sulisartoqarnikkut isumaqatigiissutit ataatsimoorussat aallaavigalugit nalunaarsuinissaq pisariaqartinneqassappat. Tamannali inatsimmi § 50, imm. 2-mi taaneqartunut atuutinnilaq.

Imm. 3. Inunnik paasisutissanik suliarinnittarneq pillugu inatsimmi § 48 naapertorlugu nalunaaruteqartussaataitaanermut, inatsimmi § 50, imm. 2-mi taaneqartut pinnagit, aamma ilaatinneqanngillat:

- 1) Ilaasortaanermut akiliutinik unerartitsinissamik isumaqatigiissuteqarnermut atatillugu sulisorisat kattuffeqarnikkut attuumassuteqarnerannik paasissutissanik suliarinninneq.
- 2) Inunnut paasissutissanik suliarinninneq, suliffeqarfinit aningaasarsiornermik ingerlataqarnikkut inatsimmut ilaatinneqartunit suliarineqartut, aamma suliffeqarfiit sullitaannut imaluunniit inunnut suliffeqarfiup inatsisitigut piumasaqaateqarfigisaannut, imaluunniit suliffeqarfinit aningaasarsiornermik ingerlatalinnut nalinginnaasumik pisussaaffiit aallaavigalugit pisariaqartinneqartut, suliffeqarfimmi aningaasarsiornikkut ingerlatalimmi atorfeqarnermut tunngasunik nalunaarsuutit pinnagit.
- 3) Inunnut paasissutissanik suliarinninneq, nakorsaait pillugit inatsit naapertorlugu isumannaallisaalluni nakkutiginnissamik pisussaaffimmut atatillugu.
- 4) Inunnut paasissutissanik suliarinninneq, suliffeqarfinit il.il naapitassarsiorturnut suliaqarfiusunit aamma naapitassarsiorturnut nittartakkanik suliaqarfiusunit suliarineqartut, suliarinninneq nalunaarsorneqarsimasumit erseqqilluinnartumik akuerineqarsimappat.
- 5) Inunnut paasissutissanik suliarinninneq, ilinniartunit erhvervsakademimut-, professionsbachelorimut-, bachelorimut- imaluunniit kandidatitut imaluunniit taama qaffasissusilimmut ilinniarnerninnut atatillugu suliaqarnerminnut aamma naammassissutissaminnik suliaqarnerminnut il.il atatillugu suliarineqartut, suliarinninneq nalunaarsorneqarsimasumit erseqqilluinnartumik akuerineqarsimappat.
- 6) Suliarinninneq suliffeqarfiit inunnut paasissutissanik qitiusumik nalunaarsuiffimmit inuinnarmit pigineqartumit, sassaallersinnaatitaannginneq pillugu paasissutissanik tigusinissaminut ingerlatitseqqinnissaminullu, aamma suliffeqarfimmi pineqartumi inuit pillugit paasissutissanik suliarinninnermik ingerlatitseqqinnissaminut Rigspolitiinit akuerineqarsimasumit, pissarsinerannut tunngasut.

§ 3. Paasissutissat, § 2-mi taaneqartutut suliarinninnerit ilaatinneqartut pisortat oqartussaasuinut, inunnut ataasiakkaanut, suliffeqarfinnut, peqatigiiffinnut, ingerlatsivinnut il.il tunniunneqarsinnaapput, inunnik paasissutissanik suliarinnittarnermut inatsimmi malittarisassat eqqortinneqarsimappata. Paasissutissat aamma qarasaasiakkut paasissutissanik suliarinnittartumut tunniunneqarsinnaapput.

Imm. 2. Qarasaasiakkut paasissutissanik akisussaasuusooq tigusisussat pillugit, imaluunniit tigusisussat immikkoortiterlugit nalunaarsuummik, paasissutissanik tunniussiffigineqarsinnaasunik, suliaqassaaq.

§ 4. Paasissutissat § 2-mi taaneqartutut suliarineqartut toqqortarineqarsinnaapput paasissutissat suliarineqarnerannut siunertarineqartoq eqqarsaatigalugu piffissaq pisariaqartinneqartoq naapertorlugu siviussusilimmik. Paasissutissat tamatuma kingorna peerneqassapput, imaluunniit allagaateqarnermut inatsit naapertorlugu malittarisassat malillugit allagaataasivimmut tunniunneqassallutik.

Imm. 2. Paasissutissanut akisussaasuusooq paasissutissat peerneqarnissaannut piffissamik aalajangersaassaaq, tamatumunngalu uppersaammik toqqortaateqassalluni.

Kapitali 2

§ 5 § 3, imm. 2-mik imaluunniit § 4-mik unioqqutitsisoq akiliisussanngortitaassaaq.
Imm. 2. Ingerlatsiviit il.il (inatsisitigut pisinnaatitaasut pisussaatitaasullu)
pinerluttulerinermi inatsisitigut akisussaatinneqarsinnaapput, Kalaallit Nunaanni
pinerluttulerinermi inatsimmi kapitali 5-imi aalajangersakkat malillugit.

§ 6 Nalunaarut atuutilerpoq ulloq 1. decembari 2016.

Justitsministeriet, ulloq 29. november 2016

SØREN PAPE POULSEN

/ Jakob Lundsager